



Cyd-gyngor
Cymwysterau

AQA City & Guilds CCEA Edexcel OCR SQA CBAC

Cynhyrchwyd ar ran: AQA, CBAC, CCEA, Edexcel ac OCR.

Hysbysiad i Ganolfannau

Cyfarwyddiadau ar gynnal arholiadau Gwrando TGAU a TAG

Ieithoedd Tramor Modern:

(Defnyddio casetiau, chwaraewyr MP3 a digido deunydd gwrando)

1. Defnyddio chwaraewyr MP3

1.1 Dylid dilyn y cyfarwyddiadau canlynol ynglŷn â defnyddio chwaraewyr MP3 mewn arholiadau Gwrando TGAU a TAG Ieithoedd Tramor Modern.

- **Rhaid** i'r swyddog arholiadau lofnodi am ddeunyddiau gwrando a ddarperir ar ffurf CD/casét yn unol ag adran 1.14 cyhoeddiad y CGC *Cyfarwyddiadau ar gynnal arholiadau*.
- **Rhaid** i'r ganolfan ddarparu chwaraewyr MP3. Nid yw'n dderbyniol i ymgeiswyr ddarparu eu chwaraewr MP3 eu hunain.
- Dylid llwytho deunyddiau gwrando TGAU a/neu TAG ITM i lawr ar chwaraewyr MP3 canolfannau, o safle allrwyd diogel y corff dyfarnu (neu o CD). **Ni ddylid gwneud hyn fwy nag 1 diwrnod gwaith cyn yr amser dechrau a gyhoeddwyd gan y corff dyfarnu am yr arholiad.** (Os yw arholiad gwrando TGAU/TAG ITM wedi'i amserlennu ar ddydd Llun, bydd y corff dyfarnu'n sicrhau bod y ffeiliau ar gael i'w llwytho i lawr ar y dydd Gwener cyn yr arholiad.)
- Pryd bynnag y bo hynny'n bosibl, argymhellir bod aelod o staff o adran TGCh y ganolfan neu'r swyddog arholiadau'n ymgymryd â'r dasg hon.
- Deunyddiau gwrando arholiad Gwrando TGAU neu TAG ITM penodol yn unig y gellir ei storio ar y chwaraewyr MP3.
- **Rhaid** dychwelyd y deunyddiau cyfrinachol sy'n cael eu cyflenwi gan y corff dyfarnu i bwrpasau'r arholiad Gwrando i gyfleusterau storio diogel y ganolfan cyn gynted ag y bydd y llwytho i lawr wedi'i gwblhau ar bob chwaraewr MP3.
- **Rhaid** dychwelyd pob chwaraewr MP3 sydd â deunydd cyfrinachol wedi'i storio arno i gyfleusterau storio diogel y ganolfan. **Rhaid** eu storio'n unol ag adran 1.3 cyhoeddiad y CGC *Cyfarwyddiadau ar gynnal arholiadau*. **Rhaid** trin y chwaraewyr MP3 fel deunydd arholiad cyfrinachol tan y bydd yr arholiad wedi'i sefyll.
- **Rhaid** i'r swyddog arholiadau gadw log o'u gweithredoedd bob amser. Yn bennaf, dyddiad llwytho'r deunydd cyfrinachol i lawr i bob un o'r chwaraewyr MP3, pa bryd y cafodd y chwaraewyr MP3 â'r deunydd cyfrinachol arnynt eu rhoi yn y storfa ddiogel yn ogystal â pha bryd y dilëwyd y deunydd gwrando oddi ar y chwaraewyr.

- **Rhaid** i ganolfannau sicrhau bod:
 - y chwaraewyr MP3 o faint addas ac yn gallu cael eu gweithredu'n annibynnol;
 - pob chwaraewr MP3 yn gweithio'n iawn pan fydd y deunydd gwranddo'n cael ei lwytho i lawr. Cyfrifoldeb y ganolfan yw cyflwr gweithio cyffredinol yr offer ac ni fydd cyrff dyfarnu fel arfer yn ystyried bod nam ar weithrediad y chwaraewr MP3 yn ddigon o sail dros wneud cais am ystyriaeth arbennig;
 - o leiaf un chwaraewr MP3 sbâr ar gael i ymgeiswyr pan ddefnyddir chwaraewyr MP3 mewn arholiad gwranddo ITM.
- **Ni ddylai ymgeiswyr fenthyg chwaraewr MP3 gan ymgeisydd arall tra bydd yr arholiad yn mynd rhagddo, am unrhyw reswm. Rhaid** i'r goruchwyliwr roi chwaraewr MP3 arall a ddarperir gan y ganolfan i'r ymgeisydd. **Rhaid** i'r ymgeisydd fod o dan oruchwyliaeth bob amser a **rhaid** caniatáu iddo gael y cyfnod amser llawn a bennir ar gyfer yr arholiad.
- Ar ôl cwblhau'r arholiad
 - **rhaid** tynnu'r ffeiliau gwranddo oddi ar y chwaraewyr MP3;
 - gall y ganolfan gadw'r ffeiliau i'w defnyddio'n fewnol gydag ymgeiswyr yn y dyfodol;
 - **rhaid** clirio ffeiliau oddiar y chwaraewyr MP3 cyn cychwyn ar unrhyw gyfres arholiadau yn y dyfodol.

2. Digido deunydd gwranddo

(Storio deunydd gwranddo ar rwydwaith cyfrifiadur y ganolfan)

- 2.1 I bwrpasau digido'r deunydd gwranddo ar rwydwaith cyfrifiadur canolfan, gall canolfannau gyrchu'r deunydd gwranddo cyfrinachol hyd at **1 diwrnod gwaith cyn amser dechrau cyhoeddedig yr arholiad. Nid oes angen ceisio** caniatâd o flaen llaw gan y corff dyfarnu perthnasol.
- 2.2 Pryd bynnag y bo'n bosibl gwneud hynny, argymhellir bod aelod o staff o adran TGCh y ganolfan neu'r swyddog arholiadau'n ymgymryd â'r dasg hon. **Rhaid llwytho'r deunydd i lawr i ran ddiogel rhwydwaith y ganolfan, h.y. y rhan o'r rhwydwaith y gall ond staff TGCh ei chyrru. Ni ddylai fod ar gael i'r myfyrwyr tan yr amser penodol.**
- 2.3 Unwaith y bydd y deunydd gwranddo wedi'i lwytho i lawr, **ni ddylid** gadael yr ystafell/man arholi heb oruchwyliaeth na heb ei chloi. **Ni** chaniateir mynediad i'r rhyngwyd, data sydd wedi'u storio ar y gyriant caled nac unrhyw gyfryngau cludadwy megis disgiau hyblyg, CDau neu ffyn cof yn ystod yr arholiad.

3. Defnyddio casetiau

- 3.1 Pan fydd canolfan am drosglwyddo deunydd gwrando, sydd wedi'i gyflenwi gan y corff dyfarnu, o CD i gasetiau unigol, **rhaidd** gwneud hyn yn **ddim cynt nag 1 diwrnod gwaith cyn yr amser dechrau a gyhoeddwyd gan y corff dyfarnu ar gyfer yr arholiad.**

(Os bydd arholiad TGAU/TAG ITM Gwrando wedi'i amserlennu i'w gynnal ar ddydd Llun, bydd y corff dyfarnu'n caniatáu i'r ganolfan drosglwyddo deunydd gwrando o CD i gasetiau unigol ar y dydd Gwener cyn yr arholiad. **Nid** oes angen gofyn am ganiatâd gan y corff dyfarnu perthnasol.)

- 3.2 Pryd bynnag y bo hynny'n bosibl, argymhellir bod aelod o staff o adran TGCh y ganolfan neu'r swyddog arholiadau'n ymgymryd â'r dasg hon.
- 3.3 Rhaid cadw at y drefn a nodir yn adran 1.1 y ddogfen hon bob amser, yn bennaf unwaith y bydd y deunydd gwrando wedi'i drosglwyddo o CD i gasét bod yr holl ddeunyddiau'n cael eu dychwelyd i gyfleusterau diogel y ganolfan a'u storio yno'n unol ag adran 1.3 cyhoeddiad y CGC *Cyfarwyddiadau ar gynnal arholiadau.*

<p>Noder: rhaid i chi gyfeirio bob amser at y cyfarwyddiadau pwnc-benodol a gyhoeddir gan y corff dyfarnu perthnasol ar gyfer arholiadau Gwrando TGAU a TAG ITM.</p>
